

# Spirit of Bosnia / Duh Bosne

An International, Interdisciplinary, Bilingual, Online Journal  
Me?unarodni, interdisciplinarni, dvojezi?ni, online ?asopis

## PISMO DRŽAVNOM SEKRETARU BLINKENU

Working Group for Bosnia and Herzegovina

18. april 2022. godine

Uvaženi Antony J. Blinken  
Državni sekretar  
Ministarstvo vanjskih poslova SAD-a  
2201 C Street NW  
Washington, DC 20520

Poštovani državni sekretare Blinken,

Obra?amo Vam se kako bismo izrazili svoju zabrinutost zbog nedavnih izjava Gabriela Escobara, specijalnog izaslanika SAD-a za Zapadni Balkan, vezano za izbornu i ustavnu reformu u Bosni i Hercegovini. Svojim komentarima g. Escobar je u suštini osudio bosanskohercegova?ke gra?ane na budu?nost etni?kih podjela, diskriminacije, progona i nepoštivanja ljudskih prava.

G. Escobar je u svojim komentarima predložio da Bosna i Hercegovina odustane od bilo kakvih pokušaja zna?ajnije ustavne reforme prije pridruživanja Evropskoj uniji. Me?utim, time bi se o?uvale etni?ke podjele jednog sistema koji daje prioritet “konstitutivnim narodima” koji su uvedeni Dejtonskim mirovnim sporazumom, modalitetom koji je u presudama Evropskog suda za ljudska prava (ECtHR) u predmetu *Sejdi? – Finci* iz 2009. godine, te predmetu *Zorni?* iz 2014. godine konzistentno osu?ivan kao diskriminatoran. Ovim presudama se Bosni i Hercegovini nalaže da prestane s diskriminacijom gra?ana koji ili nisu podobni da se kandidiraju na izborima za visoke politi?ke funkcije zbog svog statusa izostavljenih manjina ili zato što ne žele iskazati pripadnost jednom od konstitutivnih naroda.

Staviše, komentari specijalnog izaslanika Escobara o pristupanju Bosne i Hercegovine Evropskoj uniji bez temeljne izborne reforme su u suprotnosti s objavljenim o?ekivanjima koje Evropska unija ima od Bosne i Hercegovine. U svom “Mišljenju o zahtjevu Bosne i Hercegovine za ?lanstvo u Evropskoj uniji” Komisija upravo navodi da etni?ki zasnovane izborne privilegije konstitutivnih naroda u njenom Ustavu “nisu u skladu sa Evropskom konvencijom o ljudskim pravima”. U objavljenom mišljenju se isti?e da su “stoga potrebne zna?ajne dodatne reforme kako bi se osiguralo da svi gra?ani mogu ostvariti svoja politi?ka prava, u skladu sa presudom Evropskog suda za ljudska prava (ECtHR) u predmetu *Sejdi?-Finci*.”

Zaista je zabrinjavaju?e što bi se spre?avanjem neophodnih demokratskih reformi samo umirili nacionalisti iz HDZ-a koji propagiraju ideju “legitimnog” bosanskog Hrvata, koncept kojim se

dalje utvrđuju etničke podjele, podupiru ciljevi međunarodne agresije iz 90-ih kojima se teži ka uspostavljanju Velike Hrvatske te izopćavaju umjereniji bosanski Hrvati koji ne pripadaju HDZ-u. Našoj pažnji ne smije promaći da je Ruska Federacija izrazila podršku prijedlogu HDZ-a u okviru vlastitih nastojanja na podrivanju stabilnosti države i podržavanju secesionističkih prijetnji iz Republike Srpske u isto vrijeme. Ruski ambasador u Bosni i Hercegovini je nedavno izjavio da se Bosna i Hercegovina sastoji od entiteta i da nije jedinstvena država.

Ovaj nacionalistički cilj HDZ-a o utvrđivanju etničkih podjela je u potpunosti postao evidentan nedavnim prijedlogom Nikole Lovrinovića, šefa poslaničkog kluba HDZ-a u Predstavničkom domu državnog parlamenta, da se ozvaniči unošenje *pripadnosti konstitutivnom narodu*, odnosno *etničkog identiteta*, u sve lične karte i druge lične isprave. Insistiranjem na etničkoj identifikaciji se priziva ništa manje doli noćna mora ličnih karti u holokaustu ili genocidu nad Tutsijima u Ruandi gdje su lične karte osigurale progon i istrebljenje.

Isticanje korupcije u Bosni i Hercegovini u nedavnim komentarima specijalnog izaslanika Escobara je isuviše zgodan način da se izbjegne rješavanje strukturnih nejednakosti Dejtonskog mirovnog sporazuma liječenjem simptoma, a ne uzroka. U presudi Karadžiću Pretresno vijeće je utvrdilo da je postojao „zajednički plan da se bosanski Muslimani [Bošnjaci] i bosanski Hrvati trajno uklone s područja na koja su bosanski Srbi polagali pravo”. Nakon nasilnog uklanjanja stanovništva nesrpske nacionalnosti s područja na koje su bosanski Srbi polagali pravo, ubistvima i prisilnim premještanjem, entitet Republika Srpska je priznat i postao legitiman u Dejtonu. Na to priznanje se može gledati kao na nagrada za uspješno proveden genocid, što je zasigurno predstavljalo fundamentalnu nepravdu, ali je ipak je postalo okosnica Dejtonskog mirovnog sporazuma. U presudi Krajišniku je Pretresno vijeće utvrdilo da su uslijed počinjenih zlodjela “izbrisani svi tragovi [bosansko] muslimanskog prisustva i kulture u Foči.” Od Daytona Republika Srpska ustrajava u nastojanjima na destabilizaciji Bosne i Hercegovine, uključujući prijetnje odcjepljenjem te nedavno izglasavanje odluke o formiranju vlastitog pravosuđa i vojske. Zaštićena dejtonskom strukturom, diskriminacija je postala norma u Bosni i Hercegovini, zbog čega je i korupcija toliko rasprostranjena. Upravo bi ove prijetnje nacionalista iz reda bosanskih Srba i bosanskih Hrvata zasigurno trebale biti prioritet u vanjskoj politici SAD-a u Bosni i Hercegovini i one bi se trebale spriječiti temeljnim izmjenama ustava – na način kako je naloženo u odlukama Evropskog suda za ljudska prava.

Nedavno usvojena Rezolucija Generalne skupštine Ujedinjenih nacija kojom se osuđuje negiranje holokausta je iskazala jasan stav pohvaljujući države članice koje su se aktivno angažirale u oćuvanju onih mjesta koja su služila kao nacistički logori smrti, koncentracioni logori i mjesta ubijanja kako bi se educirale sadašnje i buduće generacije. Međutim, u Republici Srpskoj i na područjima na kojima su dominantni bosanski Hrvati se osućeni ratni zloćinci glorificiraju, dok se bošnjačkim žrtvama genocida i drugih ratnih zloćina zabranjuje postavljanje spomen obilježja ili edukacionih centara na mjestima bivših koncentracionih logora. Ovo je upravo vrsta nepoštivanja ljudskih prava koje je uzrokovano etničkim podjelama koje proizilaze iz Dejtona na način kako je on danas strukturiran.

U odgovoru na ove podjele i nepoštivanje ljudskih prava, široke građanske koalicije su pozvale na izbornu reformu kako bi se podržala nastojanja Bosne i Hercegovine u prelasku sa sistema koji daje prioritet konstitutivnim narodima na državu građana s jednakim pravima i dostojanstvom. Nedavno je, na primjer, koalicija građanskih organizacija i predstavnika akademske zajednice iz Bosne i Hercegovine te istaknutih udruženja iz dijaspore podržala detaljan prijedlog pod nazivom „Deklaracija o ustavnim i drugim reformama Bosne i Hercegovine...”. Oni zaslućuju podršku

Sjedinjenih Američkih Država. Stoga apelujemo na Vas kao državnog sekretara da ispravite kurs američke vanjske politike u Bosni i Hercegovini ka podršci demokratskim vrijednostima i ljudskim pravima.

Hvala Vam na razumijevanju.

S poštovanjem,

Radnu grupu za Bosnu i Hercegovinu

Prof. dr. David Pettigrew, profesor filozofije i studija holokausta i genocida, Državni univerzitet Southern Connecticut, New Haven, Connecticut,  
 Kenan Arnautović, doktor medicine, Memphis, Tennessee,  
 Dženita Pašić, advokatica, Louisville, Kentucky,  
 Mead Mišić, advokat, Boston, Massachusetts,  
 Vildana Bijedić, mr., Mandala Academy Foundation,  
 Azem Dervišević, poslovni i društveni poduzetnik, Cambridge, Massachusetts,  
 Dijana Mujkanović, doktorandica, Univerzitet u Pittsburghu,  
 Patrick McCarthy, prodekan i profesor, Univerzitet u St. Louisu, A

kif Cogo, organizacija St. Louis Bosnians Inc.,

Nerma Bužan, šefica kabineta u Uredu prof. dr. C. Schwarza-Schillinga,  
 Damir Husamović, mr. ekonomije, društveni aktivista,  
 Prof. Emir Festić, dr. medicine, mr., Ponte Vedra Beach, Florida,  
 Esad Boškailo, dr. medicine, vanredni profesor psihijatrije, Univerzitet u Arizoni, Medicinski fakultet u Phoenixu,  
 Aida Ibrićević, doktor nauka, međunarodna saradnica – Institut za mirovna istraživanja u Oslu (PRIO),  
 Jordan Steven Sher, pisac, And Still We Rise: A Novel About the Genocide in Bosnia /A mi ipak ustajemo: roman o genocidu u Bosni i Hercegovini,  
 Zana Bajrić, advokatica, Iowa City, Iowa,  
 Rupert Wolfe Murray, pisac,  
 Peter Lippman, pisac, Surviving the Peace: The Struggle for Recovery in Postwar Bosnia-Herzegovina /Preživjeti mir: borba za oporavak u postratnoj Bosni i Hercegovini/  
 Neira Davis, Boston, Massachusetts,  
 Keith Doubt, profesor emeritus, Univerzitet Wittenberg,  
 Mirza Bijedić, magistar poslovne administracije (MBA), Megan McCullough, Bosansko-američki institut za genocid,  
 Bill Carter, pisac, Fools Rush In /Budale srljaju/, reditelj, Miss Sarajevo,  
 Erol Avdović, diplomatski dopisnik iz UN-a,  
 Mirsad Zukić

Na znanje:

Uvaženi Gabriel Escobar, zamjenik pomoćnika sekretara Ureda za evropske i euroazijske poslove državnog sekretara Sjedinjenih Američkih Država  
 Uvaženi Michael J. Murphy, ambasador SAD-a u Sarajevu

---

Prevod: Elharuna Rizvanbegovi?

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.